

**Cogitationes, Sive Considerationes Christianae Pro  
singulis Anni diebus**

Complectens Aprilem, Majum, Junium

**Nepveu, François**

**Monachii, 1709**

Dies 11. Remedia iræ.

---

[urn:nbn:de:hbz:466:1-60514](#)

Inquire in te ipsum, ut cognoscas, an omnia bona tua justè acquisieris, vel an ijs non immo-  
dicè afficiaris; opemque à Deo pete, animum tuum ab ijs avellendi.

Radix enim omnium malorum est cupi-  
ditas; quam quidam appetentes errave-  
runt à fide. 1. Tim. 6. v. 10.

Qui pecuniam appetit, fidem perdit;  
qui aurum redigit, gratiam prodigit.  
Ambr. serm. 59.

---

## DIES XI.

### Remedia iræ.

#### I.

Curari malum non potest, cujus non  
cognoscitur causa, nec iracundiæ af-  
ferri remedium, si ejus origo ignoratur.  
in quibusdam oritur è bilio corporis ha-  
bitudine; in alijs ex animi imbecillitate.  
Superbia, quæ nos vel minimi contemptus  
impatientes reddit, non raro iracundiæ  
nostræ causa est, & potissimum nostri ip-  
sorum amore nititur, qui nobis persuadet,  
omnia nobis deberi; unde tantopere de-  
licati in puncto honoris evadimus, ut hoc  
tangi vix possit, quin excandescamus.  
Amor immoderatus, quo in certas qua-

C

dam

*Aprilis.*

dam res ferimur, vel nimium desiderium, quo eis inhiamus, facit, ut sine animi commotione tolerare non possimus, cùm quis vel in istorum bonorum possessione nobis litem movet, vel cupiditati nostræ ea consequendi obicem ponit. Ad mendendum huic malo radicem aggredi, & originem extirpare oportet, adhibitis remedijs, quæ causis, unde nascuntur, opposita sunt.

II. Si iracundia provenit è constitutio-  
ne corporis paulò vivaciore, serì studere  
oportet naturæ, & animi sui motibus sup-  
primendis, & meminisse, quòd, agere na-  
turæ impulsu, non tantùm non sit agere,  
ut Christianum, sed nec, ut hominem de-  
cet; quòd ratio, & gratia, non verò animi  
impetus motuum nostrorum regula esse  
debeant; quòd, sicut Christus ipse dixit,  
sancta illa violentia summè nobis sit ne-  
cessaria; quòd omnis pietas, quæ huc  
non collimat, deceptio sit; quòd Sacra-  
mentorum frequentatio, si hunc in nobis  
effectum non procreat, abusus sit. Ho-  
rum affectuum victoriam frequenter à Deo  
petere, potissimamque orationum, pietatis,  
& ultrò suscepitarum corporis afflictio-  
num partem in hunc finem dirigere debe-  
mus; axiomata, quæ Christus de mansue-

tu-

Aprilis.

tudine nobis dedit , frequenter meditari ;  
 sed peculiariter admiranda exempla , qui-  
 bus in hac virtute nobis præluxit. Sæpè  
 ei dico : Domine , qui dixisti : *discite à me,*  
*quia mitis sum* , fac , ut divinam hanc doct-  
 rinam probè comprehendam ; & vires si-  
 mul eam exercendi suppedita.

III. Si iracundia oriatur ex animi debi-  
 litate, difficultas adhuc medelami admittit :  
 gratia nihilominus supra fragilitatem no-  
 stram nos evehere , & superbia ipsa aliun-  
 de nobis tam pernicioса hac in re auxilio  
 nobis esse potest : abjecto esse animo videri  
 nolumus ; idcirco ipsa gloriæ cupido nos  
 aliquoties moderatos reddit. Si verò ira-  
 cundia provenit è nostri ipsorum amore , &  
 superbia , uti sæpiissimè accidit , remedium  
 affertur malo , si isto amore , & superbia ex-  
 tirpatis , Christianæ humilitati serio stu-  
 deamus ; homo enim humilis nunquam  
 credit , injuriā sibi fieri ; imò è contra-  
 rio sibi persuadet , justè secum agi : si con-  
 temnatur , aut asperius tractetur ; non con-  
 queritur , nec commovetur. Imò Chri-  
 stus humilitati mansuetudinem jungit.  
 Moderemur cupiditatem nostram , coércea-  
 mus desideria nostra , tum mites erimus ,  
 & patientes. Lubenti animo , & absque com-  
 motione toleratur boni cuiusdam jactura ,

C 2

ubi

36 Considerationes Christianæ.

Aprilis.

ubi id sine magno affectu possidetur, vel  
minùs ardenter concupiscitur: sed præci-  
puè nunquam nobis ipsis condonemus vel  
minimam excandescientiam. Ira nostra  
fastidiosum effectum nunquam pariet,  
si eam nunquam relinquimus impunitam.

Statue, si iracundiæ obnoxius es, omnibus  
hunc remedij fideliter uti ad tollendum malum,  
cujus fructus tam funesti sunt.

Aufer iram à corde tuo. Eccli. 11. 10.

Salubrius est, etiam iræ justè pulsanti non  
aperire penetrale cordis, quam admittere  
non facile recessuram. Aug.

---

DIES XII.

Peccatum libidinis cæcitatis a-  
nimi causa est.

I.

Cæcitas animi est effectus uitatissimus,  
& funestissimus peccati libidinis. Est  
vulnus illud infestum, quod Deus luxurio-  
sis infligit; dum immoderatas eorum cu-  
piditates punit ipsam eorum cupiditati-  
bus, & cæcitatem, quam sceleratis eorum  
voluptatibus inducit. Ipsi se libidinibus,  
teste Apostolo, immergunt, & Deus eos tra-  
dit in desideria cordis eorum, & erroribus cæ-

62